

მარებ ტატალაშვილი

ფრედერიკ ბებედევრი – მოღვარი მუსალი

ერთმა სტუდენტმა დაწერა – ადამიანები ორ კატეგორიად იყოფიან – ფულიანებად და უფულოებადო, მე არ ვეთანხმებოდი და ვუმზიცებდი, ვისთვისაც რა არის პრიორიტეტი, ისე ახდენს დივერგენციებას, ჩემთვის სამყარო გონიერ და სულელ ადამიანებად იყოფა–მეთქი. ეს იქამდე იყო, ვიდრე ბეგბედერის „99 ფრანკს“ წავიკითხავდი.

უელბეკის „ელემენტარული ნაწილაკები“ ახალი დამთავრებული მქონდა და კვლავ მასზე გვიქრობდი. ფრედერიკ ბეგბედერის „99 ფრანკიც“ იმავე თემას ეხმიანება და ახლა უკვე აღარ ვიცი, რასაც ვაკეთებ და რისთვისაც ვშრომობ, რა შედეგს მოიტანს. დიდი ხანია ასეთი დაბნეული არ ვყოფილგარ და ღირებულებათა გადაფასების პერიოდი კიდევ ერთხელ მეწყება. თუმცა, „99 ფრანკის“ წაკითხვამ იმაში ნამდვილად გამარკვია, რატომ მიიღო ამ რომანმა „50 წიგნში“ მოსახვედრად საჭირო ხმათა რაოდენობა – მოულოდნელობა, სიახლე, ორიგინალურობა, თქმის აქტუალურობა, ენის „თავისუფლება“ (ხანდახან – ზედმეტადაც), რომანის ეკრანიზაციის პოპულარობა... და კიდევ, ბევრი სხვა „პატარ-პატარა“ მიზეზი სრულიად საგმარისი იყო, რომ მკითხველს, განსაკუთრებით ახალგაზრდებს, არჩევანი „99 ფრანკზე“ შეეჩერებინათ.

მაინც ვინ არის ფრედერიკ ბეგბედერი და რატომ გამოიწვია მისმა რომანმა ამხელა აუთორაჟი, მეტიც, პირდაპირ შეიძლება ითქვას, სკანდალი მთელ მსოფლიოში?

იგი 1965 წელს დაიბადა საფრანგეთში, პარიზთან ახლოს მდებარე პატარა ქალაქ ნეი-სიურ-სენში. თვითონვე ამბობს, რომ ისეთი არატრივიალური პროფესიის წარმომადგენელთა შვილია, რომ ვერც თვითონ ჩაეტეოდა ოფისის რიგითი თანამშრომლის ჩარჩოებში. მწერალი თავის ოჯახს ძალიან ბურუჟაზიულს უწოდებს და ამბობს, ამ ფენისაგან გამოყოფა მოვინდომეო. გამოეყო კიდეც თავისი სკანდალური რომანით. სხვა მხრივ, კაცმა რომ თქვას, ფრედერიკ ბეგბედერის ბიოგრაფიიდან ბევრი არც არაფერია მოსაყოლი, მით უმეტეს, თუ მისი რომანების წაკითხვას აპირებ კაცი. ამ მხრივ განსაკუთრებით მისი ბოლო წიგნია აღსანიშნავი, რომელსაც ბანალური სა-

თაური აქვს – „ფრანგული რომანი“. სხვათა შორის, მწერალმა მხოლოდ ამ რომანზე „აღიარა“, რომ ავტობიოგრაფიულია, მაგრამ შეუძლებელია ავტობიოგრაფიული მომენტები არ დავინახოთ „99 ფრანკში“.

ისევე როგორც ოქტავი, რომანის მთავარი პერსონაჟი, ბეგბეგდერიც მოღვაწეობდა სარეკლამო ბიზნესში და სწორედ ამ რომანის გამოსვლა გახდა სამსახურიდან მისი გათავისუფლების მიზეზი. ასე დატოვა მან რეკლამის სამყარო, რომელსაც დაუნდობლად დასცინის „99 ფრანკში“, მაგრამ „შორსაც არ წასულა“ – მისი წიგნების ბესტსელერად ქცევაც, მათი ავტორის მიერ სარეკლამო ბიზნესის ცოდნით აიხსნა (ცხადია, სხვა – „ობიექტურ მიზეზებთან“ ერთად).

ასეა თუ ისე, ფაქტია, რომ „99 ფრანკის“ ავტორმა ზუსტად იცის ის სიტუაცია, გარემო და ადამიანები, სადაც ოქტავი ტრიალებს – ეს არის პირველი და ყველაზე უტყუარი შთაბეჭდილება, რომელიც რომანის წაკითხვის შემდეგ გრჩება.

რა არის ბეგბეგდერის „მეამბოხე მწერლის“ იმიჯი – პოპულარობის მოსაპოვებლად მორგებული კლიშე თუ ბუნებრივი მდგომარეობა? თავად განსაჯეთ, ახალგაზრდა მდიდარი და პოპულარული მწერალი, რომელსაც პოლიტიკური კვლევების ინსტიტუციის გარდა, ინფორმაციისა და კომუნიკაციის უმაღლესი სკოლაც აქვს დამთავრებული, მიღის და საფრანგეთის კომუნისტური პარტიის არა უბრალოდ მხარდამჭერი, არამედ საარჩევნო კამპანიის მთავარი პარმენეჯერი ხდება – თანაც უსასყიდლოდ!

რეკლამაში რომ პროფესიონალია, ამაზე მისი დიპლომების გარდა, ისიც მეტყველებს, რომ სანამ პოპულარული მწერალი გახდებოდა, ისეთ მედიაგამოცემებთან მუშაობდა, როგორებიც არის Elle, Paris Match და Voiei un eneore VS-ი. კიდევ ერთი სარეკლამო დეტალი: როდესაც საფრანგეთში ფრანკი ევრომ შეცვალა, ავტორმა რომანის ახალ გამოცემას უკვე არა „99 ფრანკი“, არამედ „14,99 ევრო“ დაარქვა.

პირველი რომანი 25 წლისამ გამოაქვეყნა – ეს არც ისე ცოტაა დღეს, როდესაც 19–20 წლის ბიჭები მწერლობას „იჩემებენ“. თუმცა მისი ადრეული რომანებიც მხოლოდ 2000 წელს, „99 ფრანკის“ გამოქვეყნების შემდეგ გახდა პოპულარული მთელს მსოფლიოში.

ბეგბეგდერის პროფესიული არჩევანი – გამხდარიყო პოლიტიკური მეცნიერებების სპეციალისტი და შემდეგ მუშაობა

დაეწყო სარეკლამო ბიზნესში, ალბათ, განაპირობა იმან, რომ ეს სპეციალობა იმის საშუალებას იძლევა, თითქმის ყველა სფეროში იმუშაო, თავი ყველგან მოსინჯო: პოლიტიკაში, ეკონომიკაში, ისტორიაში, კულტურაში. არის ასეთი უნივერსიტეტი პარიზში, რომელიც ახალგაზრდებს ასწავლის ყველაფერს, განსაკუთრებით – თუ კონკრეტული პროფესიის ამორჩევა უჭირთ. რეკლამაც პოლიტიკა, საგებით ლოგიკურია, რომ სარეკლამო სააგენტოებს თანამშრომლებად პოლიტიკურ მეცნიერებათა დიპლომის მქონე ახალგაზრდები ჰყავთ. წიგნში „99 ფრანგი“, ბეგბედერი ცდილობს ახსნას, რომ მსოფლიოს არა პოლიტიკოსები, არამედ სხვადასხვა საგაჭრო მარკა, კონცერნი და კორპორაცია მართავს.

მე რომ მკითხოთ, ამბიციურმა ახალგაზრდამ უპრიანია „Procter @ Gamble“-ში იმუშაოს, ვიდრე, მაგალითად, მინისტრი გახდეს. ტრანსნაციონალური კომპანიის პრეზიდენტი უფრო ძლევამოსილია, ვიდრე საფრანგეთის პრეზიდენტი.

„99 ფრანგი“ XXI საუკუნის სარეკლამო აგენტის (ტრაგიკული, მე თუ მკითხავთ, ცხოვრებაა. იმ პროფესიის ადამიანის, რომელიც ცდილობს პროდუქტების (ხანდახან უვარგისისაც) შემოტენვას – ხელმძღვანელობს დევიზით „ადამიანებს კრეტინებად ნუ მიიჩნევთ, მაგრამ ნუ დაგავიწყდებათ, რომ ისინი კრეტინები არიან“ (ბეგბედერი, 2011:32). ხოდა ჩვენ, მომხმარებლებს, კიდევ გვგონია, რომ თავისუფლები ვართ არჩევანში, რასაც გვინდა, იმას შევიძენ, არადა, რომ დაუიქრდე, რეკლამის გარეშე არასოდეს არ ყიდულობ, არასოდეს აკეთებ არჩევანს იმ პროდუქტზე, რომელიც ტელევიკრანიდან ტვინს არ გიჭიამს, თუმცა, საგსებით შესაძლებელია, რომ ბევრად ხარისხიანი იყოს. თანამედროვე ადამიანის გონება უკვე სხვანაირად არის მიმართული – რასაც არ უკეთებენ რეკლამას არ ვარგა, რადგან რეკლამის ფული არ აქვთ, ე.ი. უხარისხოა.

მიუხედავად იმისა, რომ სარეკლამო ჭრები მომხმარებელს ნერვებს უშლის, მის გარეშე მაინც არაფერს აქვთებს. „სარეკლამო მენეჯერის როლს ადრე კომედიებში პიერ რიშარი ასრულებდა. მაშინ რეკლამა ხალხს აცინებდა, ახლა კი დიმილსაც აღარავის გვრის. საქმიანობა, რომელიც ერთ დროს თამაშ-თამაშით დაიწყო, ახლა ჩვენს ცხოვრებაზე ბატონობს: აფინანსებს ტელევიზიებს, თავის ნებაზე ატრიალებს ბეჭვდით

მედიას, მართავს სპორტს, აყალიბებს საზოგადოებას, განაპირობებს ეკონომიკურ ზრდას“ (ბეგბედერი, 2011:55).

„ჩვენ შეგვიძლია ყველაფერი გაყიდვინოთ – რაც არ გჭირდებათ, რაც გძულო, რისი ფულიც არ გაქვთ – თან ძალიან ძვირად... ასევე შეგვიძლია ყველაფერი გაგაფიდვინოთ – თქვენთვის აუცილებელი ნივთები, თქვენი მეგობრები, თქვენი სული, თან ძალიან იავად“, – ოქტავის ეს სიტყვები წარმოთქვა ერთ-ერთ ინტერვიუში ბეგბედერმა, რომლებიც რატომდაც აღარ შეიტანა რომანში.

ბეგბედერი გვიტრიცებს, რომ თანამედროვე სამყაროს კრეტინები მართავენ. ყველა ეს მენეჯერი, მსხვილი საწარმოს ხელმძღვანელი კომერციული სასწავლებლების კურსდამთავრებულებია. იქ არ ასწავლიან ლიტერატურას, ხელოვნებას, არ ასწავლიან პატივისცემას. აი, ასეთი ხალხი გვმართავს, ასეთები არიან ხელმძღვანელობაში.

ბეგბედერის წიგნებში გვერდს ვერ ავუკლიოთ ნარკოტიკების თემას, რასაც თვითონ მწერალი ასე ხსნის ერთ-ერთ ინტერვიუში: „ოუგი ვიტყვით, რომ დასავლეთ ევროპაში სულ უფრო და უფრო იზრდება კოკაინის მოხმარება, მაშინ ეს ის ნარკოტიკია, რომელიც ადამიანს ენერგიას მატებს და შრომისმოყვარეს ხდის. იმისათვის, რომ ხალხი ამუშაო, ეს შესანიშნავი ნარკოტიკია, კოკაინს იმისთვის კი არ ხმარობენ, მაგარი გამოვჩნდეთ, უბრალოდ, ეს ჩვენი ეპოქის სიმბოლოა. როგორც „99 ფრანკში“ ვწერ, ეს თეთრი ფხვნილი საკუთარ თავზე გვამაღლებს. ოქტავს ზეადამიანი ჰერნია თავი, ასეთ ხალხს, თავი რომ კარგად იგრძნოს, დოპინგი სჭირდება. ჩვენი ცხოვრება ძალიან ჰგავს ველორბოლას და მასში ძნელია უდოპინგოდ არსებობა, თვითგამოხატვა“ (www.Frédéric Beigbeder.fr) თანამედროვე ადამიანსა და მსოფლიოს შორის დიდი უფსკრულია: თითქოს მსოფლიო უსწრებს წინ ადამიანს, თითქოს კი – პირიქით. ამ ვითარების საკმაოდ ზუსტ განმარტებას ბეგბედერი გვაძლევს – მისი წიგნიდან თვალნათლად ჩანს, რომ თანამედროვე მსოფლიო განუწყვებლივ ბრუნავს და მომუშავე ვებ-ბერთელა მანქანას ჰგავს, ადამიანი მას ვეღარ აკონტროლებს. ეს უპილოტო თვითმფრინავია და ბოლოს და ბოლოს ის შეიძლება კოშეს შეეჯახოს.

სანდახან ვუიქრობ, რომ ამ სამყაროში უკვე რობოტებივით დავდიგართ და ადამიანობისა ცოტადა შეგვრჩა რამე. მუშაობ ფულისთვის და გჯერა, რომ ბეგრი ფული ბედნიერებას მოგი-

განს. ოქტავი მდიდარია, მისი თანამშრომლებიც არ უჩივიან ფინანსურ პრობლემებს, მაგრამ დაწინაურება ყველას უნდა. უფრო მეტის სურვილი ყოველთვის პქონდა ადამიანს, მაგრამ დღეს ამან სხვა ფორმები შეიძინა. როცა რაღაცის შეცვლა გვინდა, ხმას მაინც არ ვიდებთ და თავს ვიმართლებთ, რომ ჩვენ სისტემის ნაწილები ვართ და ძალაუფლება ჩვენს ხელში არ არის.

„უმუშევრობით დატერორებულ და სამუშაოს კულტურით მოწყობილ მსოფლიოში – საუკუნის ყველაზე მნიშვნელოვანი კითხვაა: „რატომ წამოხვდი სამსახურიდან?“ (ბეგბედერი, 2011: 70).

სამსახური პირველხარისხოვანი გახდა, იმიტომ რომ უფლამდე დავიდა ყველაუერი. მთელი 200 გვერდის განმავლობაში ბეგბედერი ამის მტკიცებას ცდილობს და შენ კიდევ თავი გეზიზდება, იმიტომ, რომ შენც ოქტავისნაირი ხარ.

„ტვინგადაბრუნებულ ახალგაზრდა წევილებს სჯერათ, რომ სიყვარულით ქორწინდებიან და ბედნიერებას ესწრაფვიან. არადა სინამდვილეში, იმიტომ ქორწინდებიან, რომ მერე მაგათ მივასალოთ რაც შეიძლება მეტი ჭურჭელი, აბანოს პირსახოცები, ყავადანები, დივანი, მიკროტალღური ღუმელი...“ (ბეგბედერი, 2011: 30)

შეიძლება უფრო უარესიც ხარ იმიტომ, რომ არასოდეს დაფიქრებულხარ, სამყაროსთვის რა შედეგი მოაქვს იმ საქმიანობას, რასაც აქეთებ. სტუდენტები, რომლებიც პიარს სწავლობენ, რეკლამას, როგორც ხელოვნების ნიმუშს, ისე განიხილავენ, ცდილობენ, საინტერესო პიარკამპანიები დაგეგმონ და, ალბათ, არასოდეს დაფიქრებულან, რომ სინამდვილეში იმას უკრავენ ტაშს, ვინც საზოგადოებას კარგად მოატყუებს. ხადხის ემოციებზე უკეთ ითამაშებს და საბოლოოდ, ამ პროდუქტს თავს მოახვევს. ამაში მილიონები იხარჯება, როცა, ბეგბედერისა არ იყოს, ამდენივე მილიონი შიმშილისაგან კვდება. ჩვენ ყველანი ერთი ლიდი ბიზნესის ნაწილები ვართ და ისე გვათამაშებენ, ვერც ვხვდებით, უფრო სწორად, გვგონია, რომ აქეთ ვმართავთ მათ. ფერებსაც თუ ისაკუთრებდნენ, პირველად „99 ფრანკიდან“ გაფიგვ, PEPS-ის ლურჯ ფერს და პატენტება თუ უნდოდა, არ ვიცოდი მანამდე. კიდევ ერთი სულისშემძღვრელი ფრაზა: „თურმე საფრანგეთმა კი არ დაამარცხა ბრაზილია მსოფლიო თასის ფინანში, არამედ „ადიდასმა“ გაიმარჯვა „ნაიკზე“ (ბეგბედერი, 2011: 105).

ამ რობოგულ სამყაროში სიყვარულის დეფიციტი რომაა, კერ ვგრძნობთ, „99 ფრანგს“ წაიკითხავ და ამას ისე თვალ-ნათლივ დაინახავ, გაოცდები. ერთმა მონაკვეთმა საერთოდ დამაბინა: „მხოლოდ მოწყენილობა აძლევს ადამიანს საშუალებას, დატკბეს აწმუნოთ“ (ბეგბეგერი, 2011: 115). დასავლეთის მცხოვრები თღონბდაც კი მოწყენილობას გაექცევნ, რას აღარ მიედ-მოედებიან: ეს ტელევიზორი, კინო, ინტერნეტი, ტელეფონი, ვიდეოთამაშები. ისინი უკვე აღარ მონაწილეობენ იმაში, რასაც აკეთებენ. თითქოს საკუთარი ნებით კი არა, მინდობილობით ცხოვრობენ ამ ქვეყანაზე. თითქოს სამარცხვინო იყოს ისუნთქო აქ და ახლა. კაცი, რომელიც ტელევიზორს უყურებს ან ინტერაქტიულ საიტზეა შემძრალი, არ ცხოვრობს. ის არ არის იქ, სადაც არის, თითქოს სხვა სამყაროში გადავიდაო. მალე ხელსაწყოები მომსახურების ზონიდან გასულ აბონენტებად დაგვაფიქსირებს და მერე ვეღარავის დააჯერებ, რომ აქ ხარ და არა იქ. პასკალის შემდეგ არაფერი შეცვლილა: ადამიანი სიკვდილის შიშის დაძლევას გართობით ცდილობს, მაგრამ ეს გართობა ისეთი ყოვლის-მომცველი გახდა, რომ ლამის ღმერთი შეცვალოს. როგორ გავექცეთ გართობას? ამაზე ადვილი არაფერია: უბრალოდ დავუშეგობრდეთ მოწყენილობას.

ეს თანამედროვე ადამიანია. რის ფასად შოულობ უულს, უკვე აღარ იცი, ან მოაქვს კი მას ბედნიერება, ანუ ის, რისთვისაც ამდებს შრომობ?

წიგნში აღწერილი გარემო და მოვლენები ავტორის პირადი გამოცდილების ანარეკლია, რაც კიდევ უფრო ამძაფრებს რომანისადმი ინტერესს. ბეგბეგერი ცინიკურად აღწერს იმ გამოჩენილ ადამიანთა ზღვარგადასულ სიმდიდრეს, რომელთაც კეთილდღეობა დანარჩენი მსოფლიოს უბედურებისა და სულიერი გაღატაკების ხარჯზე მოიპოვეს. მსოფლიოში კველაუერი ულვის სისწრავით იცვლება. მაღალი ტექნოლოგიების მიღწევებს სახედვარი არა აქვს, მაგრამ კერანაირი ტექნიკური პროგრესი კერ შეცვლის ადამიანურ გრძნობებს. ადამიანს დღესაც ისევ ისე უყვარს, სტულს, სტკოფა, ეშინია, დარდობს, როგორც მაშინ, როდესაც არც ავტომანქანა არსებობდა და არც კომპიუტერი. და თუ ერთ დღესაც აღმოჩნდება, რომ ჩვენივე სიმდიდრე გვაშინებს, ლამის ზეადამიანებად ვიქეცით, მაგრამ ერთი, თუნდაც ვერდაბადებული ბავშვის დიმილი და უხილავი, მაგრამ ტკივილამდე ახლობელი სურნელი ყოველგ-

ვარ დიდებასა და ქონებას გვირჩევნია, ის ბავშვი კი ჩვენივე ხელით მოგვიკლავს, მაშინ რაღა ვქნათ?

მკითხველს უთუოდ შეაცბუნებს წიგნში აღწერილი უხამსი სცენები, მაგრამ, როცა დავიწყებთ ამ წიგნის კითხვას, უნდა დავივიწყოთ მე-19 საუკუნის კლასიკოსების საბჭოური თარგმანები და იმავე შემართებით არ წავიკითხოთ ბეგბედერი. ცინიზმი, აგრესია და ჭარბი ეროტიკა წიგნის გულახდილობის ნიშანია. მწარე სიმართლეა, რომ „მალე სიყვარულს იმ მიზნით კი არ მიცემიან, რომ სიმართლება მიიღონ, არამედ იმიტომ, რომ დანარჩენი რვა დღე ეს საქმე მოშორებული პქნდეთ“ (ბეგბედერი, 2011: 120). ეს ჭარბი აუცილებელი გახდა იმისათვის, რომ ოქტავ პარანგო სულიერად გაიწმინდოს... შეძლებს კი ამას? ეს მკითხველმა უნდა გადაწყვიტოს.

შე ისეთ ადამიანებთან მომიწია ურთიერთობა, რომლებიც სხვებს ბრიუვებად მიიჩნევდნენ. მეც კინადამ ერთი მათგანი გავხდი, – ამბობს მწერალი და ამგვარი პოზიციის საშიშროებაზე მიუთითებს. თუმცა, მისი აზრით, შეცდომები ძალიან სასარგებლოა. ყოველი შეცდომა წინგადადგმული ნაბიჯია, ამიტომ იმ შეცდომებსაც გავიმეორებდი, რომლებიც ადრე დამიშვიაო. აი, რას ეუბნება მკითხველს ფრედერიკ ბეგბედერი თავისი საიტიდან: „ვცდილობ გამოგაფხიზლოთ, რომ მსოფლიოს სხვა თვალით შეხედოთ. ეს ცოტა როდია, სულაც არ მგონია, რომ ჩემი რომანები სამყაროს შეცვლის, მაგრამ ისინი დღევანდელ პრობლემებს უპასუხებს. ბეგრს შოკში აგდებს ჩემი პერსონაჟების წინააღმდეგობრივი ბუნება, მაგრამ ეს ჩემი წინააღმდეგობებიც არის. ჩემი წიგნებით დაინტერესება იმან განაპირობა, რომ მკითხველი მათ გმირებში საკუთარ თავს ხედავს. ჩვენ ვცხოვრობთ ეპოქაში, სადაც, გხხიბლავს და, ამავდროულად, სიძულვილს გვინერგავს სარეკლამო ოცნება“ (www.Frédéric Beigbeder.fr.)

„ბეგნიურება ის კი არ არის, რასაც ტელევიზორში გვიჩვენებენ, არ მინდა ამ პარგარდდამთავრებული კრეტინების და ცინიკოსების ბანდამ ჩემ მაგივრად გადაწყვიტოს, რა არის ბედნიერება. ბედნიერება ის არის, რის მიღწევასაც ვცდილობთ, რაც უნდა გავაკეთოთ. რა თქმა უნდა, ეს იმაზე გაცილებით ძნელია, ვიდრე „პრადას“ ჩანთის ყიდვა“ (www.Frédéric Beigbeder.fr.).

უურნალისტის შეკითხვაზე – „რომანში „99 ფრანკი“ მკითხველს არწმუნებთ, ფულს არ მოაქვს ბედნიერებაო, მა-

გრამ იმისათვის, რომ გავიგოოთ, რა არის ბედნიერება, მაინც ხომ საჭიროა ფული. მაინც სად უნდა ვეძებოთ ბედნიერება? – ბეგბედერი პასუხობს: – „იმ დღეს, როცა ამ კითხვაზე პასუხს ვიპოვი, წერას შევწყვეტ. მე იმისთვის ვწერ, რომ მივხვდე, რისთვის ვცხოვრობ. ეველა ჩემი წიგნი იმისთვის დავწერე, რომ წინ წავიდე, გავიგოო, ვინ ვარ“ (www.Frédéric Beigbeder.fr).).

შეიძლება ითქვას, რომ თითოეული წიგნი ბეგბედერისათვის ერთგვარი განსაწმენდელია.

ასეთია ბეგბედერი, ასეთია ოქტავიც, უფრო სწორად, ასეთი იყო და „გამოფხიზდდა“, „აზრზე მოვიდა“... იქნებ სწორედ ეს ხიბლავს ახალგაზრდა მკითხველს? იქნებ თანამედროვე ტექნოლოგიებსა და „დარეკლამებულ სამყაროში“ მცხოვრები ადამიანები სწორედ თავიანთი ოცნების ასრულებას – ამ კვლავრისგან თავის დაღწევის, მინიმუმ მისთვის დაცინვის შესაძლებლობას ამ წიგნში ხედავნ?

როგორ კითხვაა, ყოველ შემთხვევაში, ბეგბედერმა თავის თავს მოუხსნა ეს პრობლემა – ის დღეს სრულიად თავისუფალი ადამიანია და, შესაძლოა, ვინმებ იკამათოს მისი წიგნების მხატვრულ დონეზე, მაგრამ მწერლობის ერთ-ერთ მთავარ „კომპონენტში“ – თავისუფლებაში, მას და მის ნაწარმოებებს ნამდვილად „არ უჭირო!“

ამიტომაც აცხადებს თავისუფლად და „მოურიდებლად“: „როდესაც სხვისი აზრით ინტერესდები, ყოველთვის რისკავ, რომ მოისმენ მას. ხოლო თუ მოისმენ, შეიძლება იძულებული გახდე, მას ანგარიშიც გაუწიო“ (ბეგბედერი, 2011: 15).

ბეგბედერი სხვის აზრებს აღარ ითვალისწინებს... თანამედროვე ლიტერატურაში ბევრად მნიშვნელოვანი პრობლემები განიხილება, თანაც სულ უფრო და უფრო ახალი ხერხებით. სამწუხაროა, რომ ქართველი მწერლები 90-იანი წლების პრობლემატიკის განხილვიდან ვერ გამოვიდნენ.

ბეგბედერზე ახლა ბევრს საუბრობენ, მოდაშია. თანახმა ვარ ასეთ მოდაზე.

ლიტერატურა:

ბეგბედერი, 2011 – ბეგბედერი ფ., „99 ფრანგი“, თ. ღარიბაშვილის თარგმანი, თბ., 2011.

www.Frédéric Beigbeder.fr.

FREDERIC BEGBEDER- MODERN WRITER

Summary

Who is Frederic Begbeder and why his novel caused so much noise or more, a scandal in the whole world?

Begbeder worked in the advertising company like Oktav –the main character of his novel. And publishing this novel became a cause of his removal from office. He left the world of the advertisement that laughs at “99 francs”, though his books popularity is explained by his knowledge of advertisement business.

The environment and events described in the book is a reflection of the author’s private experience. Begbeder cynically describes the riches of those famous people who have gained it on expense of world misfortune and spiritual impoverishment. I try to awaken you to see the world with a different eye. I don’t think my novels will change the world but they will respond today’s problems.